

故宮博物院
珍藏

浙江府州縣志

共九冊
第四冊



故宮博物院編 海南出版社

故宮珍本叢刊第 095 冊浙江府州縣志第 4 冊(共 9 冊)

故宮博物院編

嘉興縣志

第一冊(共二冊)

海南出版社



圖書在版編目(CIP)數據

故宮珍本叢刊.第95~96冊,地理.都會郡縣.浙江,[嘉慶]嘉興縣志/故宮博物院編.-影印本.-海口:海南出版社,2001.4

ISBN 7-80645-972-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06626 號

故宮珍本叢刊第 095 冊
浙江府州縣志第 4 冊(共 9 冊)
[嘉慶]嘉興縣志
第一冊(共二冊)

故宮博物院編
責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

2001 年 6 月第 1 版 2001 年 6 月第 1 次印刷
開本:787×1092 毫米 1/16 印張:24.5 印數:1-400 冊

ISBN 7-80645-972-3/Z·53

定價:1600 元(浙江府州縣志 16 種共 9 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

嘉興縣志序

嘉慶元年 郡伯伊公自栢移禾
能任亦於是年由縉雲改令嘉興
先後來蒞 公既葺學宮興講院
濬城河諸政具舉以能任之謫陋
獲承 公命而爲之兢兢焉惟不
克稱職是懼四年夏 公方有事

序

於郡志檄下屬縣蒐集掌故甄錄
藝文以備采擇嘉興秀水二縣同
倚郭卽同設局叅稽互考各自爲
書以上於郡五年春 公延郡人
士分門授簡纂記成帙迺於政事
之暇親加裁訂經年而郡志告竣
矣能任竊念嘉興爲縣最古而縣

之有志始於明之天啓暨

國朝康熙踵修至今且百二十年而闕
焉未有重編者或以附郡之故謂
縣之文獻於郡志有徵可無贅述
顧郡綜其要而縣紀其詳是兩得
之道也又或以秀水析自嘉興謂
二縣之志往往互見亦遂因之俱

序

廢顧縣旣分轄卽隨所畫地界書
之是各盡之職也爰請於 憲以
嘉興縣志彙本益廣采輯屬桐鄉
屠君本仁爲之詮次所援据者諸
史紀傳表志及前賢傳記名人文
集說部而叅以地志各書并取官
府案牘之文與今里俗之所聞見

加以研覈俱登諸簡時與教諭車
君向榮訓導李君承烈悉心商訂
校錄方就復以稟上郡閣請為鑒
定能任將付之剞劂氏而識其緣
起如此卷首恭載

天章

恩賚外為卷三十有六條分部居凡若干

序

篇具見總目至於

三

盛典之頌揚舊經之辨證善政之紀述與

夫遺聞軼事之綴錄者別為凡例

以著其同異分合之說焉

嘉慶六年歲在辛酉秋九月日嘉

興縣知縣汾陽司能任謹撰

嘉興縣志序

嘉於禾郡為首屬而立志在前明
天崇間轉出他邑後又自入我
朝一修於前令何君銚距今記年百
有二十更無踵厥事者職惟恃郡
乘之由夫列郡者國之肢體首邑
者郡之耳目

哀序

一

國家輯一統志大府必萃郡邑乘送
諸館而郡復綜所隸之掌故弁載
首邑以成書是上方取資於下下
顧乘倚郭之便謂大略可稽不復
網羅見聞一旦放失徵之而無以
應非所以觀風貢俗也司君能任
莅嘉多善政舉事以後為羞歲已

未郡守伊公檄蒐志材既彙上其
藁退輒詮次副本益博采羣籍運
以才學識之長而徐付諸梓其明
年郡志成又明年邑志亦成於摩
盛矣志肇於職方天下之圖與小
史邦國之志方域備具而人事之
盛衰得失著焉春秋本柱下史蓋

袁序

二

以人事垂法戒則志而史而經一
也後世中壘之紀郡國蘭臺之紀
地里既詳地略人而寰宇志以降
又或叢事詞以夸浩繁所謂勸懲
者安在昔先曾祖於康熙十七年
來典禾郡值軍書旁午之餘察戶
俗之豐耗民性之淳漓懲其吏治

不勤阜成殊昔而種蠡之遺風未
盡化也躬自刻責務力挽之以進
於古故其為志據事直書按籍可
得治理序所云感慨痛念者當事
讀之見夫厘國恤而軫民瘼如此
其至往往有所感奮而何志亦遂
踵起其間並歸簡切於民生三致

袁序

三

意焉余濫膺監司按部至禾等先
人遺蔭而觀於嘉邑曩所稱罷敝
之習久矣無復存者蓋由

累朝德化翔洽生息理極涵煦於百餘年
間前人奉法承流匡失俗易民視
漸入者深入人者固而予與司君
因得從容治理以坐享其成是志

所載山川土田津梁關隘方物出
 產視前未甚更易而人物之蕃財
 賦之盛魁儒傑士孝子順孫之不
 絕於書迥非昔比豈昔之簡直而
 今之繁富哉俾後人知教化有自
 而實效可期益思宣

上恩德兢兢焉保前緒於弗衰則是書

哀序

四

之所以垂勸者亦至矣康熙辛酉
 吳公永芳重修郡志邑無起而繼
 之者今司君之踵伊公能如何君
 之於先曾祖他日供上游采擇得
 成和親康樂之書而獻之

當宁又其力也司君不誠賢矣哉余故
 樂從其請而為之序

嘉慶七年歲次壬戌季冬之吉
 中憲大夫杭嘉湖海防兵備道華
 亭袁秉直謹序

哀序

五

嘉興縣志序

向者

朝廷甄采羣籍宏開四庫古今罕見之本皆得流布人間地志之作其詳且核有優為之者矣矧當

重熙累洽之日典章文物歲盛月新煌煌

乎著為一方之掌故更非前代所

序

可倫比也余守嘉禾六載承流宣化祇懼無以稱職所幸風俗淳美時物和稔當官者得以案牘之暇稽考舊聞頌歎

盛典重輯郡志為卷八十紀述庶幾克備

矣嘉興大令司君即用此例編次縣志三十六卷事不必增文不必

減其體固宜爾也書成於嘉慶六年辛酉司君尋遭私艱而校訂之役不輟明年壬戌鋟版既竣問序於余余謂是書主乎紀地土訓誦訓圖志具焉上載

典謨雅頌之大篇中繫紀表傳序之眾作

下至稗官小說方言里諺苟有可

序

二

取靡不采錄舉夫天文象緯兵農水利選舉學校職官氏族金石圖譜草木蟲魚之屬兼綜條貫悉加研覈雖一邑之書乎而夾漈鄭氏之二十略鄱陽馬氏之二十四考已得其槩其有裨乎經世之用者多矣是則地理之學通於政事所

謂周知險要辨察土宜者尤守若
令之所當用心也豈徒以資故迹
之考證已哉余奉

命擢任黔儲行有日矣而縣志適歲且
與郡志如驂之輔實惟司君之能
相與有成也爰識數語以見躬逢
盛際為載筆者之所共慶焉

序

三

浙江嘉興府知府今陞貴州糧儲
道長白伊湯安序

嘉興縣志舊序

嘉邑故未有志居恒徵往事一倚郡乘顧郡特其綱具耳朝
章國憲物紀民庸山澤近出之奇人林嗣與之傑白郡有乘
來書之又將更僕懽恍乎其未有屬也夫嘉于七屬冢昆也
守府之謂何而俯以遜其仲季義未協也今上癸亥史局檄
徵神光兩朝故實郡謬以屬不穀詮次麗河湯侯曰茲不足
為志地乎幸留意不穀謝不敏曰主臣茲特四十年餘吏牘
具耳恐不足為志材也我邑置自季周其名顯於孫吳顧其
為嘉興也一以為縣一以為軍為府一以為郡為路一以為
州而更曰秀方其為軍為府為郡為路為州則有所隸及其

嘉興縣志

舊序

一

自為縣則一以隸秀一以隸蘇一以隸杭分合附離轉徙不
一人事經紀其中者亦錯綜具變若是者非淵宏多蓄則虞
單漏非鈎覆精密則虞舛差非具超朗融洽之識則脉理弗
聯非擅省括剪裁之妙則蕪累弗去若夫創起則神沮於莫
基恃援則意迷於多徑館鼎而揆指者酸醜難協道築而旁
睨者嚮背異言是故非不穀寡昧所能勝也無已則鄉先生
沈瀛壺公有燕居備覽八卷頗為邑志地願假靈寵出之以
為邱陵之因又徧造邑中藏書之家發其鑄鑰徵合二三吮
毫之彥藉其編摩又授之章程濡以時日意可幾乎俟唯唯
具如不穀指遂手畫修志約九則六十餘目不穀受而借孝

廉沈君文學屠君陳君勉卒業焉其為書自秦餘越絕以迄
 今茲上下二千餘年自禹杭蒼書淞泖平江東西五百餘里
 所有方言地志簡策稗初靡不瑁據靡不鏤合有形可陳則
 為具圖有年可紀則為立表其言汪洋則為作書其事龐積
 則為著考有不勝書之芳行而為存略有不可混之羣言而
 為別類既成以視郡乘不啻加詳然而系冕之旒無越緒也
 以質旁邑志或相涉入然而交鏡之光非強附也以古人不
 一之建置不一之著述不一之辯議不一之點綴而悉以入
 九則六十餘目之中昭如也則諸藏書家之藉也二三編摩
 友人之力也瀛壺沈先生之因也麗河陽侯之裁也而不穀

嘉興縣志

舊序

二

之幸因以見也抑侯之惠我邑多矣無一事不經于慮無一
 事不酌其宜無一事不計其久即六曹之牘學士大夫之所
 誦說班班在焉是書也果垂亦足當峴首片石也已天啟四
 年十一月日禮部精膳司主事李日華撰

構李以地勝見春秋乃胥雖有山莫禦越來謠則有湖究合
 吳沼無論其為廢興成敗憤激感奮之鄉有如騷為楚忠訴
 心絕響而嚴夫子獨廢懷寫怨為東國騷壇先路此猶以騷
 雅重也有唐逆泚乘豐園逼奉天陸敬輿謀畫帷中卒平大
 懟貞元已後之唐實為宣公再造此猶以名宰輔重也宋思
 陵南渡孝宗龍躍潛邸威敵保民為中典名主延祚百有餘

年此則以一代帝王重矣夫構李之地重有三若此顧不得
 與舊折之雲間語兒近折之秀武梧桐各有地記僅以一縣
 名附郡掌故是各稱小宗而忘其鼻祖也縣凡五折所稱名
 勝幅裂他縣惟構李故城尚如杜當陽所謂在嘉興縣南者
 為不失故口耳當知前折境之賢豪營魄千齡祇認是舊時
 梓里未分疆之題詠流聞百禩寧知為今日山川故人惟當
 以代受勝不應以境限也入國家疆理有制嘉為浙迤西壯
 縣乃宣德初用胡大理議畫我幅員分立秀水嘉善此一大
 更革也宜書去此百五十年有嘉靖壬子禦倭之役兵燹所
 彼邑無寧土繕城策壘徵兵餉士者數年而定此又一大變

嘉興縣志

舊序

三

亂也宜書去此數十年為萬歷辛巳履畝而丈丈復不實且
 有縮弓溢額之弊患垂至今此又一大騷騷也宜書去此數
 十年為歲丙辰有嘉善爭田之擾致監司郡守挂冠而去此
 又一大爭許也宜書若夫趙郡公官民田則之扒平為垂遠
 之善政龐侍御銀力二差之條鞭信惠民之良法潘巡道藩
 司斂解以代民誠恤役之芳規也尤合于特書之書者也至
 于人羣英偉事烈當時如楊公任沉族于太常包柱史謫死
 于塞微沈司馬杖戍于奪情此皆扶翼人綱振激名教足光
 大書之書者也他若屠宮論戚尚璽之纂組英韶錢郡守鄒
 吏部之潔身冰雪張叅知朱都督之治倭揚烈威當在書爵

書字書功之列者也今李九疑先生爲之總裁而博搜旁採
 質訂疑竇則有沈孝廉景倩屠茂才德允陳文學良卿德允
 嗣君懋昭復廣覽真求志之圖注多助焉若余則始雖同聲
 于義例中致鞅掌乎簿書方事鉅篇會當馳觀輒先游夏所
 云不能幸卒業後賢勿罪余言之爲僭也天啟四年十一月
 日知嘉興縣事武進湯齊撰

嘉興自宣德四年始析秀水嘉善蓋累代沿革畫界分疆其
 粲然者矣夫一嘉興耳爲郡爲府復爲路爲縣復爲州府有
 志縣無志則以附府故然府提其綱縣條其目矧嘉首七邑
 著名最古志可無創乎嘉秀皆郡翊同稱澤國上腴而秀志

嘉興縣志

舊序

四

先成則先大夫學士實載筆焉然嘉猶缺如無論往昔卽明
 興以來二百六十餘年之遺典湮滅不章其何以徵獻文備
 掌故賁俗觀風昭示來許乎天啓甲子湯侯麗河以朝徵三
 廟故實特延孝秀沈君景倩屠君德允陳君良卿詮次舊聞
 而稟成於李太僕九疑先生爲九則六十餘目屈指凡十有
 四年而李太僕及屠文學相繼捐館此志僅成其半而置不
 復修適羅侯有持來蒞嘉慨然允諸生請卽不敏吳謀所以
 終其事者不敏吳遂巡遊席曰美哉仁侯之爲嘉也一邑之
 鑑千秋之衡令不敏微惠得附于龍門蘭臺之後豈非至幸
 願志之難專在鄉邦之月旦前人難此而留不了之局今不

敏起而獨任其難匪恃乏文直事核之才抑亦懷府怨招尤
 之懼蓋書事紀言當年之簡尙其多聞傳信勒成刪潤後來
 之筆貴乎僞識通才且美嫌揚已避首事之艱成敗因人啟
 紛更之議故有務長厚若司馬德操每輒言佳者有事關門
 戶若孫盛晉春秋諸干私改者有私昵若曹邱生游揚季布
 者有私憾若陳壽傳忠武將略非長者有隨聲附和若不疑
 盜嫂第五倫搗婦翁者有言甘中苦若諸葛豐之于堪猛前
 譽後毀者吳不敏博謝倚相直慚董狐無能世談彪遷固之
 業而欲以邱壑之身操衮鉞之柄儕枌榆之社肆月且之評
 懼乎不懼乎敢辭侯固請或告不敏曰嘉之與秀役同句絲

嘉興縣志

舊序

五

同額畚揭同侍尊公有秀志在可合而按也李少卿與君通
 家沈景倩內兄弟也屠德允肺腑戚生平莫逆君就而踵之
 如以膠投漆以芥納針可無柄鑿君不踵而誰踵乎且梨棗
 已積一紀外後簡未成前刻已盡美業當成前功不可棄何
 辭爲不敏避其言于是勉肩斯任惴惴焉蟲負山蠶測海罔
 和津涯而羅侯輒捐俸助刻竊念羅侯之在吾禾也茹蘖飲
 冰合郡稱爲真廉吏此俸詎可易得用是益不敢怠違亟聯
 同事之舊人則沈孝廉計偕遲返而李少卿子會嘉屠文學
 子用明及陳文學良卿在焉李屠二君克紹弓冶暨陳君之
 博洽日中罕覩搜羅宏富足備採擇心甚快之又訪知當年

陰爲剛定而大有功于斯乘者則姚君叔祥詞壇共推白眉者也於是請于侯仍煩諸君子協助而更益之以太學洪君善之文學沈君麟仲錢君穉皆一時藝苑之名流而予姪卯錫子子寅錫子錫成効搜羅編纂之勞適沈孝廉還自燕復襄舊業益慰將伯之望更有譚梁生先生素稱博物君子方修韻史網羅古今時出其枕中祕以相佐又有逸士陳君無功擁書萬卷夙號邊笥盡出其著述以助采擷不敏上藉明府羅侯之主裁下賴一時諸君子之協贊而間効其管窺殫心思窮晝夜卽舉子揣摩不勤於是自官師以下五志皆創構而以前各志則仍舊貫而補新猷凡五閱月而始就載

嘉興縣志

舊序

六

籍無窮耳目有限是集也豈敢謂遂無遺漏但搜求不厭博諮訊不厭周考訂不厭詳亦既洋洋大備於是貢俗采風或庶免掛漏之謂乎至于先輩列傳所憂憂乎其難者竊取善善長惡惡短之義寧詳毋略寧褒毋刺卽冒德操之謂而不辭然不得不分欸目于其首則一本之虛心直道愚謬或有之毀譽則豈敢不敏不忍虛賢侯之雅意曠故友之前功更妄希龍門蘭臺之佳話冒昧而承是役知我罪我一付之難調之世態無厭之人情矣請拜稽以復賢侯之命崇禎十年口月日廣東按察使黃承吳撰

嘉邑古樵李地秀所自析秀志而嘉不志一慊也志嘉而不

終志又一慊也子牽絲于此務在與民休息邑紳衮意其可與商民事也而以竣志之說進予難之輿地難矣民士不無牙錯爭許竟爲厲階而原額終可覆按也次則建置百雉盡歸分邑一署僅存靈光而窮變宜有通機也次則食貨塗泥列在天下之田杼軸足厯二東之慮而供輸自有大分也若職官若仕進若武備若人物最後而爲詞翰爲撫遺故牘可等亦非盡若存若亡之說也卽如蠶送女而道通舉見演納肝而二千里有墓諸若此類雖近俶詭之談亦供好奇之採而子終于賢林評隲有躊躇焉或仕于此者之澤著遺棠或生于此者之烈光維梓章章耳目位置何難所難者反在時

嘉興縣志

舊序

七

世未遠聞見異詞挾情勢以相要則慈孝之舛望安愜淪幽潔而不耀則士女之韞懿易泯一有依違安語良直此湯侯所爲停毫而諸作手因之輟翰乎自非得孤倚其人母易言卒業會廉憲聞齋黃先生引而自任得人之喜可知已編摩凡五閱月而志告成事輿地諸條舊已具體缺者補之紊者整之如李入郭軍一經指點壁壘改色職官以後諸條前所懸而有待者多出先生獨裁而于人物去取之際淡致詳必矢虛矢公其難其慎分軌安頓一一肖其質以俾入者不得或冒觀者不容少移藏山懸國夫何間然蓋先生以無褒貶之心而行有褒貶之事辦此艱大一局而裕如耳昔王元美

謂千載而下雖有子長不復能成史記謂無周漢間諸偉事
 大文足以資其錯綜耳此猶以事辭言史而不以道法言史
 也如麟筆不可竟絕則綱目自當承祚虬撼者何得河汾並
 譏有欲鐫去書法發明諸附餘者是又紫陽一決疣手也快
 論也予今何敢貢僭評于是編昔周史記有百二十國寶書
 實爲筆削所取裁此獨不可稱嘉邑之寶書也哉馮李書地
 以來亦二千餘載矣何無此九門六十餘目之演綴知罪之
 事先生何讓焉予小子亦從請而後矣崇禎十年口月日知
 嘉興縣事欽羅爝撰

惟王建極疆理宇內設邦啟域列爵分職爰立外史以掌四

嘉興縣志

舊序

八

方之志九邱之書以類上下山川城郭室宇人物文獻貢賦
 之事所以潤色鴻業而備一代之掌故也余以癸亥之冬承
 乏銓左奉

命巡視閩廣金馬碧雞之地鮫人蠶戶之所使車所及撫圖登

眺竊仰

本朝廓清之烈提封踰萬里南闢水西東盡海外幅員之廣亘
 古無比雖丹徼朱崖語言文字之所不通而政教所施與

畿輔等况浙西爲會稽之邦山川風俗夙號雄長者乎先是

康熙二十一年

詔天下所司修治輿誌採而進之太史以備石渠天祿之遺一

時郡縣無不設局授簡博蒐廣稽以副採取之意嘉興爲構
 李附郭首邑控引笠澤襟帶三吳阡陌南紆川澤北注其土
 地平衍而沃腴古所稱財賦之區也顧自明季兵燹之後圖
 籍散佚考證靡從卽或掇引舊文蕪穢雜亂不失之略卽失
 之煩自非援古証今日究心于斯者不能暢所欲言補所未
 備則今日之身其事者非令尹其誰也姑臧何侯蒞治茲土
 于今七載執掌政事之餘博求遺軼修舉廢隆與邑之紳士
 商榷而互訂之存信去疑拾遺補闕志旣成乞余一言爲序
 披閱之下明瞻詳簡予奪謹嚴有良史之才而能緯以精密
 上自星野山川以及賦役典禮之所存學校政令之所出關

嘉興縣志

舊序

九

隘備禦之所資官署郵舍壇壝之所設下至襍祥識緯稗官
 之所陳無不綱舉目張釐然具舉卽一立言之書其不苟如
 此以斯知何侯絃歌之治游及有餘矣余里人也邇年謬膺
 司空之任度地居民職有攸屬向者彌服海疆周爰諮諏亦
 嘗取土宜而辨之而于梓里之人心風俗尤惓惓焉異日者
 翠華流止使橫塘別浦盡爲擊壤之鄉是在守土之君子爰
 爲之序而歸之康熙二十四年九月日工部尙書杜臻撰
 古諸侯之國唐虞萬夏商三千至成周而爲千八百方之於
 今祇一邑而已然則國有史邑有志等也兼并以後凡一朝
 之史統天下諸郡國則一邑之志方之良爲小然以備文獻

之微垂勸戒之則其義一也昔人有不願為史者真于天災人禍之說子竊嘗疑之謂史家如天官地輿等書縱或訛失取譏去至大愆卽有涉諸近事譏刺之嫌亦易免焉耳所可懼者惟是賢不肯進退之間朋黨是非之會其大端見於時政之記而詳著之於世家列傳本欲光潛德誅奸諛而或內存阿比之情外值顧忌之勢旁開私利之端改直而曲顛倒遺穢此則罪之大者以方之邑志則亦人物之一端有難焉者矣嘉興縣志之議修屢經開局以是之故不能成書今何侯子昭舉其事謂子與同年錢容山皆邑人也欲相屬子以所難辭曰事固有不得已當奈何曰惟侯自任之則易易耳

嘉興縣志

舊序

十

無難焉何也夫修是志者而邑之人也于所稱人物者非戚則其故也此阿比之所由生也其子孫未衰而聲氣廣者則畏之此顧忌之所必至也最下者財賄得而入之此私利之所可邀也若侯則奚有數者之患哉且頃府志之成纔及三年嘉邑在首列其略已備中所載道德勲名文章節烈諸人物此三年間不能遽產育或他有著見若生者理無濫入卽歿而蓋棺未久論定仍有俟但嚴其增附焉莫不稟侯之至公也其他首重賦役乃全書刊定確有成憲餘或舊聞雜記草野之談多自相矛盾無所容採綴頻年起存各數雖時有裁復之殊由單有額部文憲檄有稽職司者準其見行無多

求可耳外此或科貢之登聊二三可益詩文之載無什百爲煩至如星野少得牛女之分方域維界吳會之際山則培塿罕闕水則向之稱巨浸者久成安瀾凡城郭廟祀解驛倉場之制百穀草木禽獸蟲魚之產以暨橋梁寺觀邱墓之蹟從前考悉具詳非意可變易不過訂其偶錯補其或缺考述源流加之粉飾當亦人之所無難者而于侯又何有哉維侯謂子言然乃卽徐圖臣發彙纂諸稿侯特裁之以成書其用力勤爲心慎矣旣而索子爲序謂言已盡於此餘猶有可言者方今糧額之重江南蘇州爲最吾嘉興次之江西南昌袁瑞又次之蘇與嘉之重由張士誠南昌則陳友諒也明洪武初

嘉興縣志

舊序

十一

凡僭竊所加重之糧悉爲蠲除惟漢怒于張陳獨循其舊順治九年朝廷免袁瑞二府之浮糧仍飭查前代有錢糧加重者各省俱贖隴不報繼之而南昌浮糧之疏再上蘇州之具呈求題者亦屢矣嘉興猶有待焉且嘉興之名爲縣爲府爲路不一今之縣與明初亦殊蓋自宣德年間分縣之西北爲秀水又分東北爲嘉善考田地之故則善得其上秀得其中嘉存其下抑非獨下于秀善也復下海鹽平湖矣乃糧額視秀善稍輕比海平反重何歟夫所謂下者以土瘠而產薄米色之堅好者少而田收之候亦較遲今漕兌之開促于歲暮督完與他

邑齊民艱斯可念耳邑有落地牙稅課在藩司邇來奸民爭立行戶多於權關報名輸課久成常例額外繁征追呼之擾可憂也地接寧鹽二海邑肩步老小之鹽律所不禁項為奸商專利違制縱奪打詐之毒徧流鄉民因而濫設巡船地棍營兵羣成白捕借端行劫白晝公行而夜復繼之雖歷經憲禁而不能止此皆事之有切于上者若夫在下之患邑土高水狹而淺頗不利於田因多改之為地種桑植烟分稻禾之半此利非久常耳鄉村小港不施開濬之功而市廛侵佔肆于官河竹木塞於通道舟楫為勞居與行並困焉甚者坊鎮紛囂拳勇之易逞明末黨亂用懲尙存碑勒而遺風猶熾徑

嘉興縣志

舊序

三

僻人荒之處易藪逋逃遠而太湖寒山近而桐海往來叵測雖嘉新等都屢行勦定而餘孽易萌凡此皆侯之所日夕經心而或志之所不能詳者乎并為書之俾後之人將有鑒於斯也康熙二十四年十月日山西右布政使王庭撰

嘉之為邑古矣且為東南望貢賦之煩人文之盛甲天下其肇域自勾吳甬越迄今二千五百餘年較若他邑析自宣德間者僅二百五十餘年殆十倍矣若吳江華亭之分遠亦不過唐季然則諸邑人文物產向皆嘉邑舊隸也今各邑有志而嘉邑獨缺何以著茲土之盛美報太史之採風乎考之舊典有元之嘉禾志明之柳趙二公郡志實皆茲邑前徽蓋昔

之縣即今之郡今之郡志實昔之縣志特既已分治烏可不專立一乘是以天啓初前令湯公始謀之未竟其業至崇禎丙子羅公方得成書授梓而未幾又燬于兵火何茲邑之光華獨闕乎予始下車即以此為念顧年來水旱頻仍簿書鞅掌誠有未遑今康熙二十二年夏憲修省志奉檄徵書乃與學博陳君頴侯訪聘邑中名儒徐圃臣先生暨諸文學開館授簡相與訂覈未浹旬而憲檄星飛有不可以歲月稽者乃即舊本稍為抄撮應檄而編摹精簡則徐圖之且此彈丸者疆域雖隘于昔而人物加盛錢穀賦役加劇考之舊本二十餘卷今踵事增華將往者不敢湮沒而後者不敢棄捐能無

嘉興縣志

舊序

三

縹帙繁重之懼願將以獻之

當宁副在史館其敢任意濫觴貽譏柱下乎迺更質諸王方伯錢學使諸先生力加刪訂務存簡要雖古疆遼濶名賢遺蹟不能刪除而在分縣以後者則境限之其建置田戶無關目前利害者則略之其鴻文鉅篇在宋元以前別簡可稽者則去之其碑碣專紀誌銘家乘原非當官職掌者則刪之獨是人物一條屬在同域有難拘論況縣治若寄跡其疆索惟六里一街貫籍相錯尤多度越若晝衣而取母乃自隘是凡在一城緩急共守禦者理不能外則稍廣之而一姓多賢不妨并傳附見亦史氏體裁庶幾無負比鄰之誼且有詞于謹嚴

之例幸諸先生不以予言為謬遂相與磨切修飾潤澤各臻其致自癸亥冬孟訖今乙丑秋季凡兩浹歲四易稿而成書其古今沿革之詳覈壤土星野之精釐人物掌故之當可嚴而不刻寬而不穢良有不可一世者矣時沈君初山以省志卒業來繼教鐸更以成稿屬同陳君校覈之沈君曰錢容山先生文章魁天下校士山左考功稱第一徐圃臣先生言坊行表以成均肖教之選需次詹錄逡巡而馳著述名重士林明府得人而任若此抑又何疑予乃急蠲薄俸付之剞劂而授簡董成于綠谿園中則兩先生之光子盛業也誠鉅矣康熙二十四年十月日知嘉興縣事姑臧何鈺撰

嘉興縣志

舊序

十四

嘉興縣志凡例

嘉興地稱名勝恭逢

鑿略時巡

宸翰所頒並皆敬謹摹勒永壽貞珉而縣人之名登朝籍者侍

從宣勤雲霄拜

賜寵耀林閭更多什襲

瑤篇寶貽世守至於里居晉秩鄉俸霑

恩錫予便蕃尤為異數而且祕書法帖文綺華縑

內府嘉珍

上方仙品

嘉興縣志 凡例

優加耆舊下逮儒生鄉邑之榮曠古未有今於卷首恭紀

天章

恩賚以補前志所未逮

舊嘉興縣志一修于明天啟四年知縣湯齊偕縣人李日華

纂未成崇禎十年知縣羅煥偕縣人黃承吳續纂成今通稱

湯志再修于

國朝康熙二十三年知縣何鈺偕縣人徐發纂成今通稱何

志皆有刊本傳世二書摺拾繁富其紀載在分縣以前者並

無區別今嘉興縣志與秀水縣志同纂而各為一書凡分縣

以前之紀載各隨所畫地界析之近人修志仇氏世駿之于

烏程沈氏形之子吳江皆用此法

湯志二十四卷綱十目六十五何志九卷綱十目五十四考

宋人舊志但分門類不用以綱統目叙列較為古雅今從之

除卷首外計三十六卷分四十六門謹參用

大清一統志浙江通志所分諸目以合時地之宜其義例各

于本門發之

四十六門中舊合而今分者曰城池曰關隘二者本相比附

顧地志所重在察要害顧氏祖禹方輿紀要于關隘一門特

詳今際

承平之口政當存有備無患之意如漢魏塘敵樓之類專立

嘉興縣志 凡例 二

一門以與兵防參考為得其要曰古蹟曰名勝湯何二志以

翠華屢幸益增崇煥今專為名勝一篇以紀盛也曰外紀曰叢

譚湯志但采雜記謂之叢譚何志兼摭正史謂之外紀今分

而為二以史事當專立一門也舊分而今合者曰土田曰錯

壤嵌田互爭此嘉興秀水嘉善三縣舊有之事祇當附見于

土田之後不必別立一錯壤名色也舊無而今有者曰農桑

民生本計莫大於耕織嘉禾沃壤農業維勤近年以來蠶桑

漸盛張氏履祥補農書不專為桐鄉譜也今摭數條以見一

方之民事曰金石歐趙二錄而外如輿地碑目之類皆專紀

一書節至元嘉禾志碑碣一門多至十一卷境內石刻亦載無遺而湯何二志皆闕今補此門系人系地兼取通志金石略之例

紀載以地斷矣而分縣前之職官宦績選舉人物有不能分

者統歸嘉興明宣德之後自與秀水縣志分載又嘉興秀水

二縣同城有居嘉興而籍秀水者有籍嘉興而居秀水者父

子兄弟往往互異選舉以里貫為憑人物以世系為主間有

出入各從其是一家之傳不應各繫兩邑之書無須重見故

今之列傳于舊志有存有不存云

地志引書必詳所出始于咸淳臨安志而高氏似孫之剡錄

嘉興縣志 凡例 三

于先賢傳每事必注所據之書其法更善今志各門中有引

用原文者注曰某書有稍為節錄者注曰見某書有自為附

益者注曰本某書有略加櫛括者注曰某書參某書若以今

所聞見或稽諸案牘採諸輿論而為之者人所共知此不復

注

修一縣之志而為人物列傳論載自應詳備以補正史所遺

第逸事舊聞豈能悉入今以附之傳末其專據一書者從三

國志注之例注曰某書云云二書互異者從通鑑考異之例

注曰此從某書其某書云云誤凡各門用注者皆如此